



Wenerei, 22 o Hune me te Taite, 23 o Hune, 2022 Huiata Ipurangi

He Pōwhiri

‘Me kōrero te reo Māori i ngā wāhi katoa’ – Kāti ake, me pēwhea e mōhio, āe rānei, kua tutuki tēnei kōrero? Nō reira, e ngā mana, e ngā reo, tēnei te karanga a Te Ipukarea ki a koutou, ki ngā reo o tēnā wāhi, o tēnā wao, o tēnā riu, kia whakapiripiri mai ki ngā pātū o te whare matihiko o te reo Māori.

Ko te kawenga tuarima tēnei o Te Puna o te Kī e karanga ana ki te motu whānui kia aro mai anō ki tōna whare kōrero. Ko te uho o Te Puna o te Kī kia tukuna te reo Māori kia rere ahakoa te kaupapa. Nā konā i tūwhera ai te tatau ki ngā kaupapa whānui o te ao, arā, te ao Māori, te Hauora, te Pūtaiao, te Toi, te Hangarau, te aha atu rānei. Pēnā he kaupapa rangahau nō te Whare Wānanga, nō te hapori rānei, katoa e wātea mai ana ki Te Puna o te Kī. Kotahi anahe te ture ... **me kōrero tonu ki te reo Māori!** Nō reira, kei ngā kairangahau, ngā kaiako, ngā hapori, ngā iwi, ngā tauira o te wānanga, aku rangatira katoa, nau mai, piki mai, kake mai ki Te Puna o te Kī 2022.

I tēnei tau kua whakatau kia kawea tonutia te kaupapa nei mā runga ipurangi, mā te huiata. Ka mutu, kua tohua te 22 me te 23 o Hune hei rangi mō tō tātou hui, tukuna mā te kōrero o te reo Māori hei taonga whakanui i a Matariki 2022.

Te Ariā

Ki te pīrangī koe ki te tū hei kaikōrero ki Te Puna o te Kī i tēnei tau, me tuku mai e koe tētehi ariā e whakarāpopoto ana i te aronga o tō kaupapa kōrero. Kei raro iho nei ngā whakamārama mō te āhua o ngā ariā. Me tuku mai ngā ariā i mua i te **5pm, Mane, 9 o Mei**.

1. Me 250 kupu te roa.
2. Me āpiti mai tētehi haurongo iti mōu, 100 kupu te roa.
3. He whakaahua, kua e nui ake i te 1MB te rahi.
4. Ka 20 miniti te roa o te kauwhau, ka 5miniti mō te pātai.

Whakapā mai

Tukuna mai ā koutou ariā, ā koutou tuhinga, ā koutou pātai katoa ki a Tania Smith-Henderson, mā te īmēra tania.smith-henderson@aut.ac.nz

